

崑山縣志卷之五

邑人周世昌編輯

封爵

陸遜仕三國吳爲鎮西將軍漢建安二十四年



封婁侯

功拜宜都太守華亭侯進封婁侯

張昭仕三國吳爲輔吳將軍黃龍元年改封婁侯邑萬戶

張休昭次子仕三國吳爲揚威將軍襲封婁侯

孫綽字敬德以字行唐武德五年以誅齊巢功除大將軍封吳國公

范成大宋資政殿學士知福州淳熙十六年封吳郡開侯

衛涇宋叅知政事開禧三年封崑山縣伯  
范之柔宋禮部尙書嘉定八年十月郊祀兼給事中差充  
橋道頓遞使封崑山縣開國子邑三百戶

鄭準宋中奉大夫封崑山縣男

鄭竦宋奉直大夫知叅袁韶三州封崑山縣男

顏度宋中大夫秘閣修撰封長洲縣男

名宦

三國顧雍字元歎少從蔡邕學琴書嘗仕吳為婁長有治

蹟後遷會稽郡丞吏民歸服孫權敬之親拜其母於庭官

至丞相封醴陵侯

南宋祖冲之字文遠范陽人孝武時直華林學省歷公府

叅軍婁縣令

梁陸慶少好學通五經尤好左氏春秋節操高介為婁令

有善政

陳殷不佞字季卿長平人梁尚書兵部郎中高明子少立

名節居父喪以至孝稱母歿江陵道路隔絕不得奔赴四

載之中晝夜號泣及歸葬身自負土孝武受禪除婁令官



至尚書左丞

唐王綱大曆九年以大理司直為崑山令政務化民始作學舍置博士弟子員民興於學有不被儒服而行者莫不

耻焉

萬齊融越州人為崑山令神龍中與于休烈賀知章賀朝包融為文詞之友齊名一時

劉綺莊毘陵人為崑山尉研窮今古纂記浩博作集類百卷行於世名崑山編

權立同平章事文公德輿之從兄也敏學行薄於宦情為崑山簿德輿作序送之

孟庭份郊之父能詩為崑山尉生郊於此以詩名世

宋邊傲華州鄭人雍熙初錢氏納土傲首知崑山復興學校具有賢行爾書獎勞仕至殿中丞

趙稹字表微宜州人為入誠實寬厚以大理寺丞知崑山累官太子少傅謚禧質

梁適字仲賢鄆州涇城人翰林學士顥之子天聖初為開封功曹呂夷簡薦之朝擢知崑山縣後舉進士歷樞密直學士叅知政事卒贈司空謚莊肅

張方平字安道揚州人

言行錄作宋城人

景祐中知崑山時吳越

歸國未久前此豪民占田積訟有數十年不决者方平召

問所輸租幾何大率百總一二乃悉收其羨田以賦貧民

而訟亦息知州蔣堂得方平所著芻蕘論上之後拜叅知

政事以太子太保致仕卒謚文定

以大字書之

趙彥橚字文長秦悼王七世孫父訓之以死事贈直秘閣

彥橚舉進士為崑山主簿後知平江郡時海盜出沒為患

彥橚奏分崑山之半置嘉定縣屯兵以守以實謨閣待制

致仕

丘與權至和中為崑山主簿時議修崑山塘與權

且言事或不成請以身塞責即列其議以聞塘成至今

利後趙抃嘗薦為蘇州教授學者如歸困窮守道未始隕

獲王珪亦薦之曰藝文優贍議論純正遭時右文宜見收

采互見水利門

韓正彥字師德安陽人魏忠獻王琦從子嘉祐中知崑山

縣勸石隄疏斗門作埕七十里以達于郡得膏腴田數百

頃又請以輸州之賦十三萬從便輸於縣鳩作塘餘村為

縣倉以儲之民大悅比去遮道以留為立生祠作思韓記



錢石祠下

沈遼字獻達錢唐人翰林學士遺之弟也知崑山縣遼幼不群長益好學讀左氏班固書摹倣輒似愛知王安石及安石當國遼爲審官西院主簿論事不合罷杜門隱几間爲文章雄奇秀麗與曾鞏蘇軾黃庭堅唱酬竟不再起錢總俞稽人方誌收入今攷俞稽志無任崑山故畧之梁澤民南劔州將樂人政和中爲崑山令有惠愛父伯巨來就養澤民得於庭教爲多

姚舜明字庭輝嶧縣人宣和初知崑山縣月餘以母憂去

欽宗朝爲御史僞楚之際挺節不汙仕至戶部侍郎卒贈太師

王綸字德言建康人十歲能屬文紹興五年進士授崑山縣主簿以中丞魏師遜薦爲御史論事件秦檜罷去檜罷召爲起居舍人歷工部侍郎知樞密院事卒贈左光祿大夫謚章敏

程沂字詠之洛人伊川先生願之從子也紹興間知崑山縣爲政中和有古循吏風

謝深甫字子肅台州臨海人乾道二年進士由嶧縣尉調

崑山承嘗為浙漕考官一時士望皆在選中寧宗朝拜相  
理宗朝以孫女為皇后追封魯王諡惠正

王萬樞字贊元金壇人為崑山尉得海盜盜格吏請出郊  
以應親獲之文萬樞據實卻之終奉直大夫知吉州

陳壁字君玉為崑山主簿注情教養講勸其勞邑士造請  
無虛日成就極多

葛洪字容父東陽人從呂祖謙學登淳熙進士為崑山尉

理宗朝叅知政事杜範稱其侃侃守正有大臣風卒益端

督彙征字泰初溧陽人記問該洽寧宗朝知崑山以廉平

服人治績懋著調繁昌卒

張漢之知崑山縣其父兩為憲漕五領郡符而家極清貧

漢之政務寬厚緩於索租邑人言其家自來無此故不欲

與人索也

潘友文字文叔東陽人朱熹呂祖謙皆與友善開禧初知

崑山縣寬慈愛人人呼為潘佛子秩滿爭結綵樓號曰去思

吳堅字彥愷天台人淳祐中為崑山主簿以厚風俗正人

倫明氣烈關姦邪為先務德祐末拜相

項公滢字德潤永嘉人淳祐間由童科擢第自長洲丞辟

宰崑山以文學飾吏事留意學校買田養士為政廉敏百廢其舉嘗修玉峯志官至中奉大夫

徐聞詩字子言嘉興人性穎悟八歲通九經理宗朝由童

科擢第淳祐中知崑山官至知惠州

元王安貞字吉卿安陽人補浙西帥府掾至元中累選崑

山知州適州初遷公宇百無一二貞規畫劾建費鉅而民

不擾政教懋舉秩滿授饒州路治申

八資刺字思齊畏吾氏至元丙子監崑山州警敏詳審先

有憐人睥睨學宮屏斥諸生且立石以滅其跡八資刺下

車慨然以興復自任葺廟宇建采芹亭綵繪髹漆煥然一

新風俗丕變

勃羅帖木爾字存中唐兀氏至正辛巳監崑山州適初立

都水庸田司開疏河渠受委臨督竭思經營兼存撫恤民

罔怨恫修舉廟學禮樂力善愛民有仁恕之風

史文彬丹陽人至正九年領崑山州事明年海寇犯太倉

官軍入海勦捕連數百艘文彬出官帑餽餉無擾於民前

此兵出將卒橫悍所過剽掠民聞師至輒驚駭罷市文彬

嚴為禁制俄有卒稍橫即痛懲之置諸獄衆乃斂戢新孔



子廟增廣生員勸督農桑均簡徭役士民悅服  
僕侯斯高昌人至正二十三年知崑山州事布政和平境  
內忠貞孝義之事多旌白以州爲張昭陸遜故封立廟  
以祀又葺王葆李衡劉過及朱虎妻茅節婦祠募置田給  
贍邑士賦崑山五詠以美之

妾復昌嘉興人任崑山州判官廉而有才特津助法行與  
省官覈產程役審諦平愾寬免單窶氣容溫舒而遇事執  
直長官猶悍詞色爲屈秩滿將去民爭預餞之復昌抵夜  
潛往戒嗟悵而退

鄒護岐山人洪武二十九年自戶部正事左遷崑山典史  
勤恪敏達事無疑壅譽遠于上後陞仁和知縣堂丞探  
馬文烟山陰人興化教授陞秩溝令刑部郎中通政使司  
經歷永樂十五年改知崑山政令明肅剛介有守武斷削  
跡胥徒畏懼視之如神明無何卒于官  
羅永年字延齡宛平人洪武初扈班歷兵馬副指揮正統  
中知崑山弛張適宜下民賴之馬鞍山舊無樹木永年徧  
植以相歲久鬱然時人名爲郎官栢士大夫歌頌之  
黃貫通字仕造南海人景泰間爲崑山主簿能識政體司

征稅公而有法邑人稱之  
鄭達字叔通襄陽人博涉經史正統間授盤屋知縣景泰  
五年移崑山有捕盜千戶不法殃民達總至即劾去之注  
思學校存恤窮夫歎歲勸貸民籍生活自奉清約以圖書  
自娛他無所好尤喜與端人高士接孝義貞節之事悉旌  
白之卒於崑鄭之康詳狀其治行

朱冕字士章嘉興人正統初爲崑山儒學教諭爲人剛毅  
方正其教先嚴立條約以示必守諸生朝夕升堂衣冠步  
趨不整亦不佻學舍中每夜向闌伊吾聲猶相屬久之諸  
生化服數載間士取高科者相踵尋授鎮海衛學教授致  
仕學者稱鹵菴先生葉文莊公表其墓

金華蕭山人正統初爲崑山丞承委勸災傷田華見百姓  
貧苦終日流涕不食曰吾豈能順上官風旨重貽民患乎  
田禾雖間有可望者總十之一二耳若作全熟何以辦秋  
徵乎同寮或爲之慮曰脫有罪華自任之竟以荒白是歲  
得准災民不告饑鄉無盜賊華之力也及卒民悲思之  
唐素字德叔京山人成化初來知縣事下車卽交奸別弊  
人畏其嚴明獄訟頽息歷陞廣西按察僉事

楊謚字文寧儀封人成化己丑進士來知崑山明敏有爲  
廢隊修舉利溥及人者多去猶思之仕至兵部侍郎

余機字懋器臨海人少以文學名由進士爲崑山令寬厚  
簡靜不尚苛察遇事能爲民任咎在崑五年公過凡四十  
餘俸恒不給久之下安上信薦剡交入擢監察御史去之  
日行李蕭然其清操不愧古人惜未大用而卒士民至今  
想慕之

楊子器字名父慈谿人弘治初由進士來知崑山以扶善  
鋤惡爲首務甫蒞任卽具巨牒數人於法於小民則撫字  
之極其周卹聞入民家察其勤惰而勸懲焉尤加意學校  
擇髦士之秀者親爲教督過塾師之門則下車升坐取童  
子之課程考校之獎勵若子弟然暇則吊古親賢與邑之  
文士耆老脫畧勢分論議款接務盡其情又撤毀淫祀百  
區取土木像投諸水火至於先賢祠墓悉表章之不使湮  
廢惜未及三年以憂去後擢考功主事累官河南左布政  
卒今特祀於馬鞍山下過者猶踟躕嘆息追思不已云  
方豪字思道開化人正德戊辰進士除崑山知縣才思敏  
瞻文學清嘉適己巳庚午吳中連遭巨浸城郭之外一望



皆湖野無炊煙死者相枕豪以民皆逃散填死不能催徵  
卽便服竟詣郡獄四十三日就於獄中具奏云天災流行  
三吳特甚比歲洪水小民艱食縱不能如周官之振廩獨  
不能如漢文之減租耶朝廷特從其請蘇淞四府俱免  
漕糧波及嘉湖杭三郡亦沾洪惠真可謂民之父母矣  
施德禎餘杭人正德中以進士來知縣事勵精勤政威德  
並行不尚嚴刻而人自畏之尤加惠箠獨諄諄愛養時縣  
適水急卽屏去隸卒親詣鄉保察被災者蠲其租民沾實  
惠至於折獄聽斷則據理順情而泰之以法會事有不繫  
於中者發疽而卒殞殮且不能備緡紳爲之治具其事一  
時道路行者皆爲於邑崑人至今悲之

祝乾壽應城人嘉靖癸丑進士方蒞任卽遇倭寇攻圍之  
變措置有方督率士民堅守晝夜撫循不怠城賴以完  
石肯構南洛人嘉靖中任崑山縣丞強毅明達事無凝滯  
操守剛介未嘗受人一菜之饋人亦莫敢有饋者廉潔之  
聲上下信之在任踰二年卒

人物一

仕宦

雷陸機字士衡吳大司馬抗之子身長七尺其聲如鍾少



有異才文章冠世以祖父世爲將相有大勳於江表深慨  
孫皓舉而棄之論權皓得失併述其祖父功業作辨亡論  
太康末與弟雲入洛張華素重其名一見如舊相識曰伐  
吳之役利獲二俊薦之諸公范陽盧志於衆中問機曰陸  
遜陸抗於君近遠機曰如君於盧毓盧班志默然既起雲  
謂機曰殊邦遐遠容不相悉何至於此機曰我父祖名播  
四海寧不知邪議者以此定二陸之優劣吳王宴出鎮淮  
南以機爲郎中令趙王倫專政外爲相國參軍預誅賈謐  
功賜爵關中侯倫將篡位以爲中書郎倫誅齊王冏以機

職在中書疑其與爲九錫文及禪詔收付廷尉成都王穎  
營救戒死徙邊遇赦而止機感穎全濟之恩又見朝廷屢  
有變難謂穎勞謙下士必能康隆晉室遂委身焉穎以機  
參大將軍事表爲平原內史大安初穎與河間王顥起兵  
討長沙王又假機後將軍河北大都督統諸軍二十餘萬  
機固辭不許穎謂機曰功成事定當爵爲郡公位以台司  
機曰昔齊桓任夷吾以建九合之功燕惠疑樂毅以失垂  
戒之業今日之事在公不在機也穎左長史盧志心害機  
寵言於穎曰陸機自比管樂擬君闇主穎默然機始臨戎



而牙旗折意甚惡之長沙王又奉天子與機戰於鹿苑機軍大敗時宦人孟玖弟超與機不協超宣言於衆曰陸機將反又還書與玖言機持兩端及戰超不受機節度領兵獨進而沒玖疑機殺之遂譖機於穎穎大怒命牽秀密縛之機曰今日受誅豈非命也因與穎牋詞甚悽惋既而歎曰華亭鶴唳可復聞乎遂遇害時年四十三子蔚夏亦同被害機天才秀逸辭藻宏麗張華嘗謂之曰人爲文常恨才少而子更患其多葛洪稱其文猶玄圃積玉無非夜光五河吐流泉原如一其弘麗妍贍英銳飄逸亦一代之

東顧識字默甫其先邵武人父慎儀仕南唐給事中爲盧綽所害識始徙居於吳登進士第大中祥符間翰林學士李宗鏐薦擢監察御史屬真宗東封護蹕還都遷殿中侍御史兼左巡使宋龔唐制御史不專言職至是始擇學術純正操履端方可紀綱朝廷者俾入臺言事識始被選士林榮之踰年抱日疾累表乞退遂除檢校司封郎官平江軍節度副使其後徙居黃姑猶藏其登科時金花榜貼于宗元

世昌按方誌不載龔識謂其非縣人也旣非縣人則直











者至四百餘人後多知名少喜讀易著釋解五十卷文集  
若干卷

龔程字信民宗元子剛正自守力排異端家不設佛老像  
祭祀不焚紙錢士人效之讀書支硎山下攻苦食淡記問  
精確歷西安丞知桐廬縣卒贈左朝議大夫子况

龔况字濬之學術文章與蘇元老齊名時號龔蘇用宗元  
中隱故事自號起隱子終祠部員外郎有起隱集三

十卷

王葆字彥光逸野堂僖之姪祖申以學行推于鄉王荆公  
奉詔視水利至縣首上謁焉父億樂道好書贈右中散大

夫葆幼有志識弱冠通諸經縣人自孫載後六十年葆始  
上進士第紹興改元上䟽陳十弊深中時病未言儲嗣志  
切直至謂仁宗時中外晏然而范鎮等為國遠計汲汲在  
此况今日國步多艱人心易動強虜未靖群盜陸梁天下  
之勢危如綴旒而甲觀之崇未聞流慶中外惴恐此為甚  
愚臣願陛下為宗社無疆之計廣求宗室中仁明孝友特  
論所歸者歷試諸事以係人心執政讀而竒之遂自置水  
簿遷知宜興縣兩淮用兵湖亦盜起邑當孔道察吏懼乏  
軍興相次駭竄葆白父母食君祿無愛死理第可終養母



以葆為念也明日取丞簿印兼佩之諸將妄求輒面折力  
拒乃稍稍自戢歷監登聞檢院宗正寺丞遷司封郎中兼  
國子司業秦檜嘗語葆曰檜欲告老如何葆曰此事不當  
問葆檜曰他人不敢言以公有直氣故問爾葆曰果欲告  
老不問親讐擇可任國家之事者使居相位誠天下生民  
之福檜默然當是時百司莫敢可否事葆為考功御史獨  
伸滯直枉當官不避天子議置相人懷向背葆獨介然持  
正論出知廣德軍移守漢州綏善鉏姦境內大治擢瀘南  
安撫使知瀘州引用名士劾去貪殘吏數輩然後鎮以無

事踰年遷池州孝宗召為大理少卿以疾辭道改漕東從  
點刑獄屢行帥事疾惡彌厲權要皆不樂乃請祠歸官興  
遂終老焉官至左朝請大夫葆學行俱至潛心古道教誘  
後生如親子弟沙隨程迥嘗受經于葆出其門者後多成  
立號稱鄉先生其學深於春秋著集傳十五卷備論二卷  
東宮講義三卷葆於人物鑒裁尤精李衡布衣流落一見  
女弟歸之周必大未仕時亦妻以其子范成大蚤孤廢  
學諭勉切至加以詰責晉之席下程課甚嚴後皆為名  
以第萬進士子嘉言監南嶽廟嘉賓知餘干縣

馬文直字伯忠其先本司馬氏有名球者仕吳越國以御  
史中丞為昆山鎮防邊使因家焉後世止稱馬氏聚族居  
今吳興用直里以孝義著稱兄弟六人皆方田獨友直以  
儒業自奮入太學元符二年薦春官與李薦遊薦賢其人  
以入直表之宣和承水災兄弟皆狼狽營妻子友直獨奉親  
德居以僦屋以孱躬治菽水母子晏如也唐輝王葆咸愛  
直之建炎二年以舉孝至武康溥監南嶽廟弟孫先覺  
為倫字子高曾子 王安石學以詩授謁學  
士郎同輯其

利書累千餘言皆可採用晚歲號凝和子有幼歲集十  
卿詩曰十里松陰藉子山暮煙收盡梵宮寬夜深更向紫  
微宿坐久始知凡骨寒一冰石泉流沉壑數聲霜竹韻  
琅玕大鵬况有搏風  
便還許鶴鶴附羽翰

郊升卿字師古曾孫知常徽二州乾道六年自徽代還奏  
蠲本州額外雜錢一萬二千一百八十餘緡及江東兩浙  
諸處絹一萬六千六百餘疋其勤恤民隱類此

李衡字彥平其先江都人高祖昭素侍御史曾祖詰祖處  
約父頎至衡始居崑少博學有局幹為文操筆立就紹興  
中第進士授吳江主簿部使者怙勢侵兵衡不忍以敲朴

迺合卽授劾去二十三年除仙居丞隆興初知溧陽縣爲  
治彊敏專以誠意化民稅賦以期日榜縣門鄉無吏迹而  
取辦先他邑金人寇淮堙官沿江者多送其孥於內地衡  
自制右邊家入縣民心太安在官四年民未嘗犯重罪安  
撫汪澈運使韓元吉列上治狀召對陳便民十事詔進一  
秩除知溫州未行拜監察御史遇事敢言無所顧避出知  
婺州以循良著稱召爲司封郎中遷樞密院檢詳加直秘  
閣屢上書引年除秘閣修撰致仕孝宗思其樸忠詔落致  
仕拜侍御史固辭不獲會外戚張說以節度使簽書樞密  
時給事中莫濟不書勅直學士周必大不草制衡與王希  
呂上疏謂不當以母后肺腑掌兵柄廷爭遂時遷衡起居  
郎衡曰進而負君孰若退而合義章五上除知台州復力  
辭上知不可奪使仍以秘閣修撰致仕四人同時去國布  
衣雍治作四賢詩以紀之衡歸崑山圓明野墅日與門人  
講解經義聚書踰萬卷名其室曰樂菴學者稱爲樂菴先  
生卒年七十九衡宣和間入太學同舍生洛人趙孝孫勸  
衡執讀論語且曰學非記誦詞章所以學聖賢耳不可有  
絲毫偽孝孫之父顏子實師程頤衡心佩其訓故雖博涉



群書而以論語為主本講學明道樂於教人中年絕欲清  
修唯蒼頭給事臨沒沐浴冠櫛作手書數十別親舊戒子  
孫問天色何待答以月明修然而逝周必大聞之曰此老  
平生跌蕩到此乃得力可敬羨也又曰彥平非逃儒入釋  
者而臨終超然如此殆聞道乎所著有易說論語說易義  
海撮要樂菴文集總若干卷行於世十四入同治庚午  
邊惇德字公辨本開封人樞密直學士肅之四世孫高祖  
仕吳始家崑山惇德幼孤至孝貧不廢禮才思敏給以能  
詩為范石湖所知嘗與唱和有敢向詩壇挑老將之句五十

鄉舉就奏名年踰六十卽致仕郡縣列上其行義特改通  
直郎撰脂膏子五十卷子瀛濟竝有學行濟子應升穎悟  
力學篤志操履規行矩步為鄉師表從學者藹然有成淳  
祐初登特科進士第應升子實與凌萬頃同修崑山志  
范成大字至能在懷抱中已識屏間字年十二徧讀經書  
十四能文詞父亡讀書邑之薦嚴寺十年不出取唐人只  
在此山中語自號此山居士又慕元魯山為人復字幼元  
登紹興進士第授戶曹監和劑局纂類高宗朝政除樞密  
院編修官遷正字升校書郎編修國史歷著作郎轉吏部



郎官隨罷奉祠起知處州陸對論力之所及者三曰日力  
曰國力曰天力今盡以虛文耗之至州剗義後隨戶富貧  
輸金置田助當役者甲乙輪第其後入奏言之詔頒其法  
於諸路作通濟堰蒐訪故迹疊石築防置堤民食其利除  
禮部員外郎兼崇政殿說書以文學才氣為上所知隆興  
拜講和失定受書之禮右相虞允文建議遣使遷成大起  
居郎假資政殿大學士封國公充金國祈請使國書專求  
陵寢乃汎使也上臨遣之曰卿器宇不群朕親加選擇聞  
外議洵洵官屬皆憚曰成大對曰無故遣汎使近於求譽

不執則戮臣已立後仍區區家事為不還計心甚安之成  
大乞併載受書專不從金逐使者慕成大名至求山峙  
之成大知其法嚴附請決不可達夜閉帷秉燭密草奏陳  
之以入初進國書辭氣慷慨金君臣方傾聽成大忽奏曰  
兩朝既為叔姪而受書禮未稱臣有奏措笏出之金主大  
駭顧諱宣徽副使韓綱曰有請當語館伴此豈獻書處耶  
厲聲令起者拜成大不為動曰奏不達歸必死寧死於此  
金廷紛然太子欲殺成大其兄越王止之既還館所金主  
遣伴使宣旨取奏綱押宴謂成大曰公早來殿上甚心勤

主上嘉歎可以激勸兩朝臣子廷議方殷會夏國有任德  
敬者乃夏酋外祖謀慕事敗宣撫司以蠟書通問爲夏人  
所獲奏之金主益怒成大朝辭遂令傳諭詰之成大答以  
姦細之僞不可測退朝而誥伴持真書來印文皦然可識  
成大笑曰御寶可僞况印文乎金人直其詞遂不竟使還  
金國報書有抑聞附請之辭欲變受書之禮出於不意要  
以必從之語上由是知其忠勁有大用意除中書舍人初  
上書崔寔政論賜輔臣成大奏曰御書政論意在劾綱紀  
振積弊而近日大理議刑通加一等此非以嚴治平乃酷  
也上稱爲知言上用知閣門事樞密都承旨張謐爲  
成大留詞頭七日不下忽出制草納榻前于色濬厲成大  
徐奏曰臣願引論以聞今朝廷尊嚴雖不可下擬州郡  
分之有別大小畧同閣門官日日引班乃今郡典謁吏  
執政大臣倖貳比也有六州郡一旦驟拔客將吏爲通判  
職曹官顧謂何邪官屬總俛首吏民觀聽又謂何耶上霽  
威久之說僉竟寢後月餘成大丐去上曰卿言引班事甚  
當朕方聽言納諫卿乃爾耶尋以集賢殿修撰知靜江府  
奏鈔鹽科抑之弊格互市焉法除四川制置使知成都教



閣將兵修置堡砦蜀中名士孫松壽樊漢廣皆挂冠不仕成大表其節由是遠近歸心進敷文閣學士入對除權吏部尙書遷參知政事爲言者所論以資政殿學士知夔州奉祠而歸起知明州兼沿海制置使奏罷海物之獻尋歷江東安撫使知建康府歲旱奏移軍儲米二十萬以賑饑民減租米五萬捕斬水賊徐伍以病請閒進資政殿學士起知福州封吳郡開國侯再領洞霄宮加大學士知太平州尋納祿以歸封吳國公卒贈少師追封崇國公謚文成成大天資俊朗輔以博學爲文瞻麗清逸尤工於詩

傳誦所歷若潘興利除害不測難易去思遺夢所在歌思之自號石湖居士有石湖集一百三十六卷又有學齋錄

虞衡志吳郡志吳船錄等集

周津善詞賦端平嘉熙中郡府兩舉待補進士性介在公施與人高其義父天驥有疾津刲股以療或以義喻之津曰父母遺體豈宜毀傷然因所與者還以奉之詎爲過耶津亦以壽終

顏度字魯子充國公五十三世孫自唐魯公真卿兄子穎爲常熟令其後遂爲吳人度居崑山以文章政事名一時

歷通州海門簿公州臨海今有去思乾道五年知長興縣  
 遇事慈恕人不忍欺一日某至自寧國入朝舟次縣界皆  
 以婦女挽轡王恠問之皆云知縣顏佛子愛惜民力縱男  
 子耕種卒難召集恐累顏公故婦女悉當其役泊入對孝  
 宗問卿治郡得人乎卽以度對未幾召拜監察御史遷太  
 常少卿權工部侍郎直寶文閣以中大夫祕閣修撰提舉  
 冲祐觀封長洲縣開國男卒年七十五度與朱熹友善孝  
 宗謂度每出一言不動如山因以如山自號云

馬先覺字少伊祖友直先覺初主海門簿調常州教授

歸時宰辟為沿海制置司幹官以先覺自重難挽徑以名  
 聞授兵部架閣素號高逸不事請謁出為浙西常平幹官  
 號得閑居士以崇議郎主管台州崇道觀所著詩文曰慙  
 筆

龔明之字熙伸祖母李自言少嘗大病夢神告曰與汝七  
 下七及期果病且革明之齋心屏處夜禱于天乞減已五  
 齡以益李壽灼香於頂者七聞腦中有爆裂聲不為動詰  
 日李病良愈又五年乃卒宣和三年明之以諸生貢京師  
 迎父母往已而母與弟繼亡去鄉數千里貧無以歸葬或

使以旅殯僧舍否則火之以其燼歸明之不從取其家所有自一錢之直皆折賣之不足又乞貸於人竟護工喪以歸先墓在西山大木數萬族人利其直悉斬而分之明之不能制獨泣且罵每伐一木仆明之輒號慟震林谷紹興二十年鄉貢年已六十或勸少匿其數薦異日計明之笑曰吾平生未嘗妄語且不敢自欺卒書其實晚以特恩廷試授高州文學年逾八十法不應出官吳王在朝者列奏其行義敕監潭州南嶽廟淳熙五年乞致仕鄉人奉直大夫林振等舉明之鄉曲儒宗經明行修議論操履衆所

是淳熙二年慶壽敕文內孝行節

者於鄉曲爲長吏原明當議錄時叅政錢良臣謂明之

無吏考之仁傑曰公試與丞相敷陳必能動上聽良

臣尚欲仁傑曰龔君頃以至行能動上帝是以知今日必

能動人主因其言其事良臣爲之竦然果得旨超受宣敷

郎致仕仍賜緋衣綠魚時李衡以忠諫去國年幾八十德

望絕人獨以足辜明之時入高之目爲二老明之生平不

摘人短不作貌言每自謂平日受用唯一誠字嘗附益山

谷語以省喫儉用號五休居士撰中吳紀聞三卷子



范之柔午叔剛仲淹五世孫自郡徙居崑山嘉定初拜監  
察御史歷右正言左司諫刑禮二部尚書太子詹事封崑  
山縣開國子之柔奉親事君一以文正爲法知止畏盈每  
有遠處山林之志最後累章乞骸骨上諭宰臣曰爲朕勉  
留將大用之以通議大夫禮部尚書致仕卒贈特進開府  
端明殿學士謚清憲第良遂子軍家奉議郎  
曹椿年字河華椿年封股瘵之知縣胡榮白于府知府趙  
文登以事屬借補承信郎節制司準使仍立孝感坊於其  
里所著三年又有錄孝子亦以封股收母縣令爲立碑  
孝坊又有張孝子者皆市人也逸其名

趙緜字君善丞相忠簡公鼎之曾孫父監知興國軍  
緜之柔以女兒妻之遂家崑山緜登嘉泰進士爲常州  
太守嘗作亭表鄒忠國墓歷宗正寺丞都官郎理宗欲用爲  
諫官有沮之者以朝散大夫知寶章閣致任讀書至老不  
倦藏書萬卷手自較讐未死數年前嘗自誌其墓死前一  
夕尚領賓客論文次早條然而逝性謙恭退然清修寡欲  
題其居曰頊菴自號如舟子序孫勤俱世其美  
吳仁傑字斗南一字南英其先洛陽人居崑山父信修武

郎仁傑博洽經史有俊才講學朱子之門登淳熙進士第  
歷羅田令國子學錄自號蝨隱以詩文鳴一時所著古易  
十二卷兩漢列諛補遺十卷禘祫綿蕞書十卷周易圖說  
樂舞新書廟制及言郊祀贅說鹽石論丙丁各一卷集古  
易尚書洪範辨圖周淵明杜子美年譜各一卷皆行世  
衛涇字清叔其先齊人惠宗避託南遷多居華亭祖闡始  
占籍崑山之石滬父季美遷州德江府涇少有異操從永  
興平去智字字字為制號執義人咸慕之咸熙十一年孝  
之權涇進士第一止留名御筆殿試上三名欲觀其政事

可特與添差差遣仍釐務授涇承事郎添差鎮東軍營判  
涇以對策嘗陳添差之做三上表乞待次上以涇力踐所  
言知重始進特從其請故事狀元初任垂滿必通謝于宰  
執始頒召命時王淮秉政涇不通謝雖被召三月不得引  
見十四年除祕書省正字輪對言陛下即位之初銳意事  
功不次用將相痛憤以圖恢復二十六年之久無一事足  
以少稱陛下意者而陛下大有為之志亦少弛矣一祖八  
宗之業太上皇付託之重子孫億萬年之基緒陛下一身  
任之豈可僅取苟安無事而遂已耶庸常之才持祿保身



而風俗日壞士氣日卑民生日困臣恐天下之患將有出於意慮之外者事幾易失時不再來願陛下堅自強之志振紀綱以張國勢作氣節以厲媮墮則靜可以強根本動可以復土疆而事功立矣光宗初立政尚修謹涇以著作佐郎賜對言今日風俗頹靡百度縱弛人材削弱國勢未張汲汲有爲尚恐不濟若猶因循其敝將至於不可爲矣又言中國之與北虜其勢決不能兩立名爲和好實則仇敵名爲息兵實則觀釁復讎之志直湏時耳今以偏方之勢與虜持久自紹興來五十年無大戰自隆興來三十年無小鬪虜酋新立血氣方剛間隙之生遠不過五六年中願陛下奮發英斷規復遠圖臥薪嘗膽不忘北鄉聖志既定然後與二三重臣講求大計委任而責成之內治外闢則大讎可復中興可期矣又言自陛下踐祚臺諫給舍不得其職今日士氣向衰風采銷落陛下所當長養振作而反陰銷潛沮之將使群臣上懼陛下之威命下虞群小之中傷苟且成風諂諛充位脫有大姦巨惡誰爲陛下言者紹熙元年遷著作郎兼司封郎官二年正月震雷雨電大雪繼作涇應詔上封事言雷陽也雪陰也陽氣方升而



陰制之此雪所以降也以象類而求則君欺於臣夫陵於妻夷狄謀中國小人害君子皆陰勝陽之證也有一于此皆能致亂陛下不可不預也時佞倖漸肆李后悍如故涇以爲言出爲淮東浙東二路提舉慶元初召爲尚右郎官上殿論壽皇孝養禮曠以爲太上之於陛下親父子也天性之愛血氣之屬慈孝之心宜無毫髮疑問雖太上疾勢未平語言舉動若未容於進見者然陛下孝心純篤豈以吾親之不可見而遂已乎臣聞於天地贊化育曰誠而已金石之無情鬼神之至幽猶以誠而能動矧人子之事

誠極其至焉有不能感動者乎願陛下兢業於中以親未順爲憂以期於見親爲念積此誠意庶幾太上之懼心可得而喜付託之得人矣三年以起居舍人假工部尚書使金國還言虜有危亡之兆而吾無自治之策使吾治具畢張備禦無闕敵雖強不足畏倘偷安歲月僅了目前一弱虜滅一強敵生猶未足以爲喜也初涇之往寧宗諭使覘國而虜爲蒙古所攻我有乘襲之意涇深懼其輕動故還奏如此除直煥章閣知慶元府沿海制置使以言者論罷是時權姦用事涇不爲勢怵斥去十年不調於里中闢



西園取范文正公之言名其堂曰後樂開禧元年得旨入朝明年除中書舍人兼直學士院應詔論北伐非計不聽三年自吏部尚書拜御史中丞請誅韓侂胄論罷陳自强拜叅知政事封崑山縣開國伯嘉定初兼太子賓客始侂胄之誅涇功居多既又患史彌遠有專恣之漸因欲去之彌遠爲景獻舊學知涇謀諷御史劾罷之五年知潭州八年知隆興府上以涇三世同居有堂曰友順御書二大字太子亦爲書後樂堂賜之九年知揚州十七年除資政殿學士金紫光祿大夫致仕進封吳郡開國公寶慶二年

卒理宗輟視朝一日特贈太師追封泰國公賜諡文節公仕三朝出入內外四十餘年憂國忘家始終一節謀深慮遠不徼近功其進退之際與時升降嘗語人曰官職自有定分名誼千古不磨故其在朝孤立自守不畏強禦以賢才爲立國之基薦進洩舉汲汲如不及如李燔輔廣倪思陳謙皆其人也 在潭時與朱熹有交承之好侂胄指熹爲學斥之侂胄死涇奏召熹還朝而熹已卒復移文新安取熹諸經四書傳註刊刻以傳又請爲張栻賜諡表章正學之力爲多別號後樂居士所著文章五十卷曰後樂集



孫察朝議大夫載之從子也父臨大理評事察以朝散郎奉使金國守節不屈金人暴以油絮焚之罵聲不絕口而死

陳振字震享古靈先生襄之後父遵出贅李衡女因家崑山遵死振幼孤貧無以葬得地圓明村卜者云不利長子振曰使親藏得寧或不宜於振二弟尚可主祭遂葬焉天性至孝以祿不逮養刻木為親像一飯必祭平生急義樂善好汲引後進然有過失必規正之為文簡健高雅無宋季陋習有止安集五十卷好楷書有歐虞氣骨官至太府

寺丞知永瑞二州以朝議大夫致仕子昌世亦以文鳴三中鎖廳兼優吏事由太府丞知信州治以最聞擢吏部郎召對理宗有一廉可喜之褒後知瑞州居官所至有遺愛皆以節用愛民為本自號澹軒中歲絕欲自奉極菲薄昌世子師尹魁鄉薦次明復魁銓闈通判建康府

衛湜字正叔宋知政事涇之弟好古博學中鎖廳除太府寺丞將作少監皆不赴嘗集禮記諸家傳記一伯六十卷名曰禮記集說寶慶二年上之終朝散大夫直寶謨閣知秦州學者稱櫟齋先生西會師榘末海



楊應龍字汝濟系出關西曾祖敏求徙崑山應龍才兼文武為戚里吳郡王婿授武功大夫浙西兵馬鈐轄暮年丐祠主管冲祐觀使所著五十萬言名曰進授冊嘉言謹論發於忠忱手鈔六經百家之說為性齋詩稿孫滋生有神異歿于邊功理宗贈護國惠忠侯廟食里中

王圭字君王父邁卒圭忍貧力學孝於其母初主松陽簿以才幹就陞為令行經界井井有條至今版繪其式制行於天下為經界者準則後知常州入為司封郎官終朝散大夫自號靜觀有文集十卷其居官廉家無餘貲死無以歛子敏學彊學俱以圭蔭歷任亦以廉謹聞

范良遂初名之傳字次卿卜築崑山之東塘放情山水不慕榮利長於歌詩兄之柔雖浸貴視之泊如也自號墨莊居士有詩集十卷官承務郎子慶家通判建康府

凌萬頃字叔度號松隱景定間登進士任直學博學多聞邑令項公澤重之請與邊實同修玉峯志行於世

郭章字仲達幼攻詩文遊太學有聲嘗作詩器別同舍有中原百變知誰運今日分陰敢自闕之句識者憫其志操仕至通直郎卒



元范國雋字彥中文正公九世孫早遊庠序卓異等夷延祐二年集賢院大學士潘却霄薦于朝曰范某蔚為令器見謂通材德行可以淑人文章可以垂後觀其學術不墜家聲當今國家需賢以若而人誠宜錄用國監考校所業中程擬於山長學正內區用始文正公葬洛陽日靖康之後道路阻絕者幾二百五十餘年逮元至大己酉彥中追思祖宗自吳詣洛展拜墓下几道途遠近風物異同皆形於吟咏號詣洛集

范培字寧深宋文節公之曾孫也性端確博通經史前代典故問無不知延祐七年郡府以培充貢龍虎榜賦文不起草人謂有楊馬才時雖被黜識者推之知州王安以聘訓導州學號月山先生所著文十卷曰過耳集

郭翼字羲仲少從衛培學邃於易為文詞必欲追古作者楊廉夫謂其文可方執西京李孝光謂其詩佳處與人不  
同調翼素有大志嘗出策干時貴不能用遂歸耕婁上老翁所著有林外野言集盧熊題其墓曰遷善先生

姚文煥字子章聰敏好學過目即成誦博涉經史縉紳先



生極加推重辟浙東帥闕掾雖公事旁午不廢吟詠把酒  
論詩意氣豁如家有書聲齋野航亭自號婁東生

朱德潤字澤民宋睢陽五老兵部郎中貫九世孫幼誦讀

一過能記壯攻詩文間得許道寧畫試加塗味遠臻其妙

延祐末遊燕京趙孟頫薦之仁宗召見命為編修官明年

英宗嗣位授鎮東儒學提舉以歸若康里巉子山四明老

伯長皆友善至正中浙省辟為叅謀後攝守長興招徠流

離尋以病免太史虞集稱之曰澤民文章典雅而理致甚

明獨惜以畫掩其名然識者不厭其多能也有存復齋稿

### 崑山縣志卷之六

邑人周世昌編輯

#### 人物一 仕宦

國朝盧熊字公武其先武寧人宋季徙家於吳再徙崑山

父觀讀書有至行熊元季為吳縣教諭洪武初以故官追

遣赴京毋卒竟歸復起為工部照磨尋以善書擢中書舍

人遷交州知州為政務愷悌不求赫赫名州初罹兵革人

情凋弊適大帥李善長營魯王府浚交州河熊撫綏供億

事集而人不擾俄以簿錄刑人家屬事坐累死錄其家篋



中惟餘麻泉。上深悔之。先是熊嘗上疏言州印篆文譌  
謬忤旨。至是竟得罪。熊少嘗從楊維禎博學攻文詞。尤精  
六書。爲時名儒。所著有說文字原章句。鹿城隱居集。幽憂  
集。清溪集。蓬蠲集。又蘇州志五十卷。交州志若干卷。孔顏  
氏世系譜。子彭祖。字長嬰。洪武末任武康縣丞。永樂初薦  
授禮部主事。坐事謫阜城。爲民尋徵詣行。在冠帶聽用。以  
疾卒。彭祖幼承家學。不事藻麗。而求以適用爲政。亦有父  
風。彭祖孫瑛。

盧熙字公賢。博學好古。洪武初以薦授睢州同知。政多惠  
愛。卒於官。邸貧不能歛。知州董俊妻爲之營辦歸葬。哭  
送者數百道。被大雨。無一人少卻。雖田夫野老亦爲  
服一月。熙在官時。兄交州太守熊以詩寄之。曰。藿藟清  
穩。鐵石古心。存熙實無愧云。其爲人雅飭信厚。博涉經史。  
尤善筆札。子充。穎字次農。文學得於家傳。而制行尤高。以  
能書薦留誥司將官之會。世父熊死。非罪。卽抱骸骨歸葬。  
高隱山林。絕口不言仕事。所著有可傳集。充穎子儒。  
余煥字茂本。少從殷奎。陳潛。夫游。得傳春秋之學。洪武初  
由縣學生取赴春官。考入國學。尋選授承勅郎。陞通政使。



司參議拜吏部尚書焯為人長者其家故鑄工既貴迨里中人家必戒其下云第稱俞待紹兒勿云官人也

王英字俊伯性和易與人交不設崖谷洪武初從鄉校貢太學授監察御史 上察其可用命署都御史事大書敦

厚王英四字揭諸殿柱尋陞刑部郎中官至陝西按察使任滿得代歸卒於泗州嘗謂妻子曰吾以身許國勿以我

死生為意時有建白輒毀其稿居鄉率易任真有劉卓不校馬牛之度時以長者稱之孫成憲以樊府教讀選秀水

教諭能詩詞善筆札年九十六而終

秦約字文仲宋直龍圖閣觀之後也其先淮安人始遷崑

明再遷崑山父玉業儒孝友約貫穿經史沉潛百家析疑

精粵洪武初應召試慎獨箴拜禮部侍郎以母老辭歸再

以求帛寶鈔徵詣京上疏陳言得溧陽教諭御史練則成待

制吳沉蕩約宿學遺老合在館閣不報在溧陽八年請老

歸卒約文章務求理勝而詩尤攻所著詩文曰樵海集師

友話言樵史補遺孝節錄詩話舊聞崇明志

殷奎字孝章一字孝伯其先自華亭徙崑山少從楊維禎

授春秋洪武四年以薦赴京試高等例授州縣職因母老



請近地便養忤旨調陝西咸陽教諭念其母不置鬱鬱而死門人私謚文懿先生盧能謂其處家為孝子飭身為名士典教為良師陳潛夫謂其學術出處死生可謂瑩然無瑕者也其文章精審有法尤深于性理勤于纂述所著有強齋文集道學統緒圖家祭儀崑山志咸陽志關中名勝集陝西圖經婁曲叢稿支離藁渭城寐語奎二弟壁字孝連箕字孝揚俱明經篤於孝友奎卒壁間關數千里迎其柩歸箕舉秀才試廣西僉事終太平府推官

全在咸陽城陳情詩云因才短固辭官巡得前時昔者盤病骨支離慚倚席客室牢落強裁冠慈福關老士家貧甚先聖年來木齒殘

馬作承清堂以終父志復子敏功

王震字子東宋叅政綱九世孫父祖卿洪武初為行人

雲南路夷山湮谷設施為多震應秀才舉除益都令開倉

賑飢民賴全活陞益州同知僧寺有佛像能言八禍福遠

近祈祭不絕震至携酒饌往與之飲良久震命左右取醉

狐狸來及暮寺後草中果有狐酣睡震使縛而懸諸楠豈

旦狐醒丐命震曰王法左道惑民者有常刑狐哀告曰法

雖然狐未嘗害物願公察之乃舍之後不復作

范從文字復之文正公十三世孫六世祖之柔食邑於昆



遂為崑人洪武初由國學生擢戶部總部主事奏免株連盜倉罪百餘人俄為同官所陷得罪且死呼曰幸以先帝赦宥上問祖為誰曰范仲淹上曰得非先憂后樂者耶於是末減謫戍金齒永樂初以薦起為金華訓導父原良先任潮州府通判卒于官藁葬葫蘆山復之念父不得正丘首日夜憂思欲遷還故坐羈于職事弗果至是上書陳情詔許之復之由是間關萬里得至葬所伏地號慟封土忽陷啓攢歛骸驟雨倏至環山滂沱獨不至其所實永樂五年五月也函骨歸柩葬先坐時積陰沍凍彌旬不開及葬則天霽日暄葬畢復然人稱孝感後歷東安教諭遷金鄉訓導致仕歸年八十餘而終

呂昭字克明為人耿介有古君子風性嗜學兼攻子史書法洪武辛未被薦試徐州訓導後以言民事合宜轉浦城丞邑故多荒蕪地昭捐俸市粟給無產者俾懇藝而不責其償日以粟少許種堂下忽生九穗人以為德政之徵有父老植雙松于庭以擬甘棠者永樂甲申詔求賢知者入薦陞知沁州歸至杭已無買舟錢抵家償以新穀二斛及赴沁州時天已寒尚未挾纊過徐故所授經弟子共買

一毛裘顧一驢以往在沁六年清操愈勵屢校文山西舉  
試與修永樂大典子曰舉進士昭貽書戒之曰進士固美  
官苟不似吾廉非吾子也死亦不歆汝祀其至性如此

呂曰字寅伯性簡淡不好華靡少從鄭味易及於松谷游  
以詩經卒業舉進士用薦特拜河南僉事居官廉謹有冰  
蘖聲未幾以累去職居長蘆十年免歸教授鄉里宣德初

詔下求賢復起為建昌府推官政聲益振母老乞歸  
志行高潔環堵蕭然鄉人稱其操不愧乃父卒無以為  
殮故人吏部尚書蕭山魏驥翰林檢討邑人王資董買棺

陳碑之

陳碑字孟東別號安止早孤而貧習法律算數之學未幾  
初芮侯紳選嘉士為吏時碑方勝冠遂就命焉既為縣從  
事始專心讀書乃晝刻在公夜則從林松谷學春秋  
偶江雨說詩久之羣經四書悉能領會要肯通政使趙公  
來泔水一見異之曰儒生也他日必為良吏又從豐城伯  
平定交趾事竣還朝以年勞授會稽知縣扶善鋤惡民  
咸稱快河南僉事呂且寅伯古君子也以事去官碑首論  
薦其賢得授建昌府推官先是會稽民頑獷不就徭役政



務委靡皞至申教條明法令不一月翕然向化繼改淳安政如會稽迨歸休不能自給皞亦怡然付不足於度外人益高之能記憶歷代史書若陸宣公奏議范忠宣父子集口不釋誦作詩唯宗杜工部遇已作有與之合輒長嘯放歌旁若無人所著有安止齋稿若干卷及卒鄭文康銘其墓深嘆其剛介不撓云

朱吉字季寧德潤子洪武中以學行薦擢戶科給事中時糧長稽違勘合皆坐死籍沒吉疏言勘合雖違而稅糧已足罪宜減死又胡藍逆黨誅戮殆盡猶有濫及者宜從寬

宥 上皆從之深加獎美以善書改中書舍人尋改侍書出為湖廣按察僉事坐事繫獄永樂中赦復為中書舍人

奉 勅題

高皇帝神主眷賞特厚年八十餘而卒所著曰三畏齋稿子定安字士隆工古篆嘗積其書草瘞之名篆塚中允吳均為記侍講王洪銘之次泰安字士栗以鄉貢任內黃教諭其施教以熟傳註敦行誼為先再滿三考不俟奏臯即致仕歸儼屋授徒布袍蔬食處之怡然次永安字士常博學攻詩文亦善筆劄所著有尚志齋稿

俞敬字用禮髻亂喪父母為張氏養于張頗虐之張母孫  
 曲為庇護如已出敬亦事之如親母然永樂八年孫遺危  
 疾醫藥不能起敬密禱於神刺左脇割肝和糜以進疾尋  
 瘳既而復作又割左膈肉食之疾又愈里人上其事詔  
 旌其門擢為尚寶司丞洪熙元年陸少卿復俞姓贈其所  
 生父得水如其官正統六年陸卿卒年九十一日三男孫  
 夏景字仲昭先冒外姓朱氏登第後始復今姓景以經術  
 進而書法特妙由廢吉士改中書舍人文皇嘗試其書第特美命書諸宮殿賜第宅免朝  
 文皇嘗試其書第特美命書諸宮殿賜第宅免朝

恭恩眷極厚初景字作昶 上因召見謂曰日豈可從  
 宜加永上遂為更定故今字皆從之後遷考功主事正  
 初預修 仁宣二廟實錄文 命書御覽諸書 皇陵

碑出知瑞州府入為太常少卿進卿致仕景為政平易居  
 家孝友而風流文雅有高人之致詩詞清麗尤工書竹石  
 擅名天下至於朝鮮日本諸國皆懸金購之

劉璉字廷璉永樂十年進士初任陝西道御史陞山東布  
 政司叅政洪熙元年叅贊宣府軍務宣德十年兼督邊儲  
 尋轉戶部左侍郎仍兼巡撫累降 勅褒獎有秉公正之



心勵廉潔之行勤謹詳明夙夜無懈之語璉公勤廉謹人不敢干以私在邊二十八年終始如一日武夫悍卒聞璉之名靡不懾服其後都御史李秉總督邊儲悉依璉法景泰二年致仕卒於通州貧不能歸遂卽其地葬焉天順三年葉文莊公盛叅政山西奏璉在邊年久保障有功乞恩褒恤於是朝廷遣官諭祭遷葬崑山泉源地

虞祥字仲禎祖樂開元海道萬戶父茂洪武中以閭右填實京師祥自幼穎敏問學不倦初授金華府學訓導陞上虞教諭宣德乙未選除禮科給事中未幾陞掌科事京城

有寺僧造佛廬踰度祥特奏毀之置僧于法尋陞通政使司左叅議正統癸亥進戶部右侍郎又改兵部巡視畿甸民賴以安及卒李時勉銘其墓子震

王永和字用節生有神異讀書日記千言訓導饒州府學大成殿弊卽志修葺太守難之永和毅然曰公不見里巷孺子始就外傳猶知尊禮夫子豈有爲郡主發身科第而反不知本邪秩滿試吏部陞兵科給事中遇事敢言指揮馬順阿黨權倖論囚多以喜怒爲出入上疏劾其罪嘗冊封王府有中官蹇傲遠糾正之陞都給事中明年陞工部



右侍郎時方營建 宮殿及諸司廨署役煩政殷處之務  
如淮右旱蝗又 命巡撫興革利病歲則大稔河決于汴  
潰而東流徐呂二洪水涸妨漕運 特命治理在淮揚時  
大風雨漂沒沿江諸沙死者千餘人永和親為存恤賑給  
瘞尸全活甚衆正統己巳從死土木之難贈資善大夫工  
部尚書永和器宇宏廓威儀莊重且博學強記為詩文清  
麗條暢有集若干卷子汝賢廕大理評事汝霖進士奉公  
恤民勞瘁成疾終河南布政使 汝賢 汝霖 汝霖  
吳凱字相虞父早亡遺腹生凱能力學養母幼時里胥召  
之役卽詣縣自陳有母不能遠離竊有志於學縣令

異之立遣就學後以貢中順天府鄉試授刑部主事改  
在雲南司再改禮部主客司以母老力乞歸養 不復  
都御史李秉鎮邊特疏言崑山吳凱以有用之 材  
之地其人器識不凡識大體可用不報凱精敏 廉  
平生以禮自律一言行不苟家居四十年非公事不至公  
府葉文莊盛尤重之嘗曰吳丈偉人也及卒鄉人 奉  
貞孝先生 入 以其 氣 節 爲 文 友 也  
章賢字士希初授大理評事歷陞漢陽知府致仕性謹重



居官二十餘年清白一節後留寓南京僅得薄田百畝竟不能歸鄉人以其廉與呂氏父子並稱云

王資字之深性凝重文章學行並為名公所推諱孫長民康訓導歷官翰林檢討有菊菴易齋集若干卷子

龔理字彥文其先汴人宋殿中侍御史琦之後性方正毅然有為弱冠領鄉薦擢進士授東田主事轉都水部

秦中超陞山東左布政使會河決張秋奉勅勸督治河有方漕路遂通乃勸學興禮撤毀淫祠表所貢墓于菴棘之中而封祭之方將大展其材忽蒙末疾告歸而卒

私論曰清惠

尤魯清惠論議

所著有晁美集藏于家孫乾字敬法

好吟詠讀書躬耕自適不入城郭自號南溪主人有遺懷

稿備忘錄

張和字節之讀書數行俱下為文章立就正統己未廷試

舉和第一甲第一名以目疾退居第二甲第一名俄以病歸益肆力於學景泰庚午主考江西鄉試授南京刑部主

事膺召纂修秘閣畢復還南京累陞浙江副使提督學校嚴條約以身率之尤有恩意河東薛文清公瑄甚器重之

周文襄公忱稱為東吳夫子未及大用而卒平生節操甚



嚴未嘗足跡權貴之門所著有條菴集五卷第穆字敬之文章與兄頡頏仕終浙江參政所著有勿齋稿

陳翊字孟佐以易經領鄉薦授膠州學正擢應山王府教授轉靖虜衛學教條嚴飭生徒多造就者撫按及藩臬戎閫重臣皆待以賓禮在王府竭誠輔導尤有忠貞之譽嘗為會試同考官及考河南鄉試所取稱得人當道屢薦以毋老力乞致仕既歸授徒為崑山易學之倡所居逼縣治非公事不一入安貧守道終始一節年八十七而卒知縣張鼎為治後事裔孫王道

以詩字文敏自少大邑相公進士初任大理評事歷寺副門無私謁尋陞福建按察僉事專督松溪銀台正額外不求羨餘民樂趨役慶元盜起遠入松溪訥首集鄉兵勦平之得不滋蔓孫尚書原貞鎮閩中上其功遷副使卒訥始官大理時侍郎章綸先以言官觸諱下獄素交者皆避不顧訥獨遺金以周其費綸以漢孔融方之所著有下里餘音兔園遺冊子僕舉人邃於古學

周泰字存敬少從鄭介菴學詩穎悟過人山舉人授烏程訓導擢東安王府教授尋以毋老乞近地迎養得常之宜



興仍食教授俸毋憂服闋改蒙陰教諭在蒙踰年卽引年歸杜門養高不入公府所居去縣司甚適自今以下有不識其面者

葉盛字與中由進士授兵科給事中正統己巳

車駕蒙塵盛帥同列劾將臣朱勇等扈從失律之罪請誅之以謝天下然後選將練兵問罪離虜以還

聖駕聞者壯之命掌科事時京師戒嚴四五日間疏凡七八上皆軍機要務虜旣退封賞有功而未及死難者盛言通政使謝澤都指揮韓情都督武興御史趙麟皆當錄其

後卹其家從之擢都給事中時內閣大臣奏罷邊將防守京師盛言今日之事邊關為重向使獨石馬營不棄則六軍何以陷土木紫荆白羊不破則虜騎何以薄都城若但僅守九門其如陵寢百姓何時北虜奉駕還京將入關矣有投匿名帖言迎復事大臣不敢以聞盛曰此野人無情之言達于上感動必矣或沮以匿名書者盛不顧具疏言之詔令封進疏雖畱中而正論有不泯焉三年遷山西右叅政巡撫都御史李秉舉盛協贊獨石馬營等處軍務時獨石馬營入城失守殘毀殊甚盛列其利害為八條

次第罷行之盛以邊人多不知學奏置社學於諸城中推有文學者為之師買經書字帖以給貧者一時軍中子弟絃歌相聞赤城鵬鷲雲州龍門長安等八城相去遠甚無邸舍風雪寒雨行者病之盛於官道傍每十里為堠屋一區中置爨臥芻秣之具守以邏卒名曰暖舖過者如歸諸城附郭膏腴地俱為權力所占盛理出之得五千餘畝自將帥參隨至軍餘皆分授之限以周垣題其門曰某隊某團人得均其利焉初軍中百需皆歛於軍盛因請官銀五千餘兩買牛具奪勢要所占屯田墾戍卒之不任戰者給

與牛種耕之課其餘糧凡軍費皆於是取給自是邊人力歲亦屢登以外艱歸天順改元召擢都察院右僉都御史巡撫兩廣初兩廣守將不相統攝盛請於梧州建帥府命征蠻將軍總鎮于此兩廣各設副總兵及叅將分守要害悉從征蠻節制又許鹽商計鹽多寡入米餉邊公私利之會有諧於當道者取還改左僉都御史巡撫宣府各邊屯堡多廢盛建議修復邊人不悅謗聞京師盛任怨力主其役不數月築完計七百餘所自是兵民畜牧自如得免寇掠成化三年進禮部右侍郎尋改吏部左侍郎時方冀



其大用俄無疾而卒賜葬祭謚文莊盛平生力行好古清  
修苦節動慕范文正之爲人爲諫官論事不激不隨取八  
先行檢而後才藝終不及人之過亦不輕薦一人考古辨  
疑殆忘寢食而於世俗聲色貨利澹然不以經心其文章  
紆徐委備有法則彭韶贊云希文不相古今所惜人以爲  
知言所著有水東日記棗竹堂稿等集行于世子晨

鄭文康字時義宋華原郡王之後長身偉軀志高流俗見  
者咸以公輔期之正統戊辰進士以父病得請歸養未抵  
家而父止毋亦尋卒文康悲悼數年加苦宿疾遂不復仕

以功業由人亦由乎天乃日取羣經子史披閱

不少休廢非公事不入公府表賢與善發幽弔古若嗜欲  
然所著有平橋藁十卷子膏

朱昌字顯道仁厚寡言少從古水蕭引之先生學春秋由  
國子生授中府都事居職不數日察宋欲中傷之卽疏請  
事數十條俾昌廷對昌略不爲意練達如素官者衆

畏憚致仕歸貧不能給巡撫周文襄公憫之遺田五百畝  
昌辭曰母爲子孫累其操行大率類是及卒無以歛焉

朱旻字希仁由舉人任昌平教諭上疏言圍獵近郊其走

弗戒驚動陵寢 祖宗在天之靈其能安乎上聞之即嚴  
獵著為令葉文莊公甚躋其事序而美之孫棫

孫宗字公武以貢士知湘潭縣湘民怠於本業宗親行勸  
課之市廛失火勢不可為再拜籲天火亦尋滅凡讞獄救

荒征賦力役之事皆簡當有法大司成劉公崇時以藩寮  
按部特書廉勤二字以旌之子瓊

孫瓊字溫章生有異質年二十五舉進士授刑部主事歷  
官刑部十五年底庶公身持而以仁恕濟之獄經決無

寃者天順間錦衣指揮陳達用苛刻羅織人罪決司

風肯往往死非命惟屬瓊者多所平反太監牛玉假承犯

法囑瓊瓊不少貸由是積怨羣小會同官得罪因巧詆瓊

謫戍遼左瀕行囊底空乏債友贖金為贐皆峻却之成化

初赦復其官月餘即乞致仕歸隱鹿城三十年未嘗一迹

公府士論高之家居事父母以孝喪葬極其哀敬每旦必

衣冠拜先祠非疾故不一日廢所居朴陋人不能堪而處

之泰然所著有鹿城遺稿藏于家子裕

梁昱字文輝孟鏞之孫性端重初遊邑庠時婚三日遭父

喪遂寢苦不御酒肉終喪三年未嘗廢禮後應舉至南京



吏部尚書蕭山魏驥聞其名往候嗟咨良久提學御史孫  
鼎賦詩美之有孝者江南第一人之句暨領鄉薦知平定  
州以平易得民未幾卒於官葉文莊公詔其墓以循吏稱  
之子純字尚素亦以鄉貢任漳州府通判轉泉州同知愷  
弟清勤兩平巨寇民為立石頌德致仕歸檢身治家有法  
誠不忝其世德云  
王庭字元直少刻意向學業文莊鄭介菴皆器許之天順  
壬午舉人授鄜州學正鄜在邊鄙金鮮知學至則躬勤訓  
導果試不懈自是稍有登第者歲饑民田耕以自給於東

修無所計遷國子監學錄勤勵如在鄜時再遷藩府長史  
卒於官庭自負剛直動循古道學貴踐履不事辭章嘗充  
江西鄉試考官御史欲先試其文以定主考者庭獨不就  
試御史曰是不苟人也卒用以主試及出院凡有司供具  
一切不取人尤重之嘗曰徐穉管寧不聞能詩而世仰其  
名時以為名言  
陸鉞字鼎儀性冲默聰明內蘊天順癸未會試禮部第一  
廷試第二人授翰林院編修歷陞太常寺少卿兼侍讀  
憲宗嘗妙選儒臣輪直進講鉞與焉其敷陳詳懇禮度莊

飭上最善之屢同考會試品鑒甚精號稱得人弘治初以疾乞歸卒賜祭葬然有雅志德業思古人每國有故憂形于色平生不妄交游苟取與用是與物鮮諧所著有春雨堂稿春秋抄畧子爰陰中書舍人嘗賞詔江南并冊封王府餽贖一切不受可謂克肖其父矣

朱瑄字樹之為人恭謹端實能詩歌筆翰皆有師法以進士任大理評事敏而有守泊然無勢利心筆輩有第望素劣於瑄者往往名位出其右衆或不平則曰出處固有命耳畧無愠色表裏始終一致有古人之風以疾告歸而卒

巢文莊公為銘諸墓深惜其不究用焉姪觀

馮然字仲舉穎敏過人為詩文務以理勝性尤和易恥言人過少孤每時祭悲思不已旣領鄉薦以乙榜授永州東安教諭地僻人不知學孜孜訓誘思變其俗秩滿將考績于京或勸令待秋試畢脫可圖晁擢鉞曰詭遇得禽吾不為也竟以例左遷貴溪訓導俄秋闈果有與薦者人推其功而賢其遇事不苟免嘗校文河南江西不受權貴私囑事峻復之曰偶志之耳年四十九卒于官所著有晉齋稿并雜錄總若干卷子琨



支琮字敬將為庠生時家貧事母甚孝每冬寒母不能寐琮盡以已衣覆之自暖其足有郡倅素慕其人晨往候焉良久不出迎倅怪問乃知以青布袍覆母恐驚動不敢啓耳而貧無他袍竟以便服見倅歎息而去周文襄公時撫吳中嘗厚賜卹之後以歲貢任南京留守衛經歷夏璣字德乾以進士知新淦縣清介剛方民立祠望思焉擢為御史出理浙江戎政軍無幸免民亦不擾至今傳以為法初璣善飲母戒之卽涓滴不入口居喪不御酒肉獨處苦塊三年如一日兄弟三人俱先卒遺孤累累同居共

爨婚嫁之費皆出於璣以疾告歸四十年未嘗輕入公府食無重味出無輿馬清節苦行卒終其身君子以為難

陸容字文量氣宇英特志存經濟以進士累官職方武選郎中二司所掌邊務甚殷封事日或三四上容連楮疾書常至夜分時有錦衣百戶韋瑛得罪調邊謀再用妄指良民妖言掩捕為功容請詔法司鞠之瑛竟坐誅被誣者皆得釋京師稱快都指揮王欽梁宏黃緣中貴傳陞都督容執不可連上疏奪其成命他如諫迎獅子罷征安南招安劉通等事皆容主議其事尤偉既又極論國家大計凡七



事而儲養台輔愛惜人才言尤剴切當路者不悅出為浙  
 江叅政容益殫心力大著聲望復條陳浙中便宜十事未  
 幾以諛罷歸眾共惜之容政事之暇手不釋卷所著有式  
 齋稿乙戌稿菽園雜記封事錄太倉志水利集共若干卷  
 子伸今隸太倉州

姜昂字恒頰初知棗強縣專務德化門無呵索獄無係囚  
 召為御史時方士李孜省貴幸聲勢薰灼昂率同官劾之  
 忤旨杖于朝尋出知河南府郡方大旱昂至雨隨車注屬  
 邑一日一月罷去三四境內翁然以母懷土疏乞近郊

遂得寧波節操益嚴在任六年復以母老棄官歸家就養  
 福建左叅政不起上疏懇乞終養母卒服闋部使者交  
 奏薦而昂卒矣昂於取予一介不苟平生不受人餽亦不  
 饋人京師達官相見澹然而已人以故多不悅所居僅葺  
 風雨積書千卷自繞水竹蕭然足不踏公府君子以仁孝  
 廉靜稱之子龍今隸太倉州

張暈字鳳舉洪武中曾祖謫戍雲南遂為雲南籍弱冠領  
 鄉薦登進士授桐鄉知縣銳志固治興革利弊未幾以外  
 艱去服闋改陵縣廉愛之心一如桐鄉然力於鋤強甚於



疾惡雖忤時觸勢不顧用是竟坐罷職心欲歸滇而苦於  
無貲遂依先隴居焉居凡七年懸家念切抑鬱而卒年止  
三十有六身後之事士大夫賻助為之邑令楊公子器買  
地於小虞東滎陽里葬而為銘深惜其一蹶不振彼蒼蒼  
者亦難乎其窮詰矣

吳瑞字德徵博洽群書尤邃於易成化乙未進士歷官工  
部郎中總督河道鑿甃社湖左腹河以免覆溺之患復上  
疏乞蠲賦額以疾請告尋致仕杜門謝客日惟與文士款  
接論議攻古文詞求者戶屢恒滿尤切切於懷賢弔古所

著有西溪集宦遊居闕一稿藏于家子蘭

秦瓏字廷贄少失學既長代父里役稍挫辱於人卽勵  
苦讀不數年遂舉進士瓏性敏而才高初官刑部綽有能  
聲日以其餘力為詩歌古文意態俊逸觀者知愛陞貢州  
按察副使使道省母遂不樂仕放情林壑間凡所撰述士  
林至今頌之有詩文集若干卷姪雷

高以政字養民少孤鞠於大父既長積學遂登鄉榜任上  
杭知縣頗有能稱考績歸見大父年踰耄耄依依不忍舍  
去時年方五旬卽掛冠致仕自號歸田竭力孝養性溫和



樂易平生無疾言遠色年九十三而終

吳愈字惟謙凱子性強毅達大體由進士累官刑部精於法律部獄咸倚以決陞知叙州府叙為民夷雜處之地俗獷吏黠愈申明法令以理論之在叙九年土官群夷帖服遷河南叅政

馮琨字君美鉞子性廉介剛毅由舉人任永康教諭遷薊州知州薊為九邊之一土著之民惟以牧馬為課每戶承馬若干匹給草場若干畝有勲貴悉攘其地為莊園小民莫敢誰何琨至按籍稽覈凡屬侵漁者悉還本戶勲貴

遂誣奏琨逮下詔獄

孝廟臨軒閱琨辨疏曰好箇知州卽令復職旣而

武廟初年逆瑾川事與勲貴相表裏再起前獄收下錦衣

鍛鍊之兩問榜八十絕而復甦薊民競守園土挈榼餽餉

者不絕號慟如失父母適有僧人言於瑾曰馮知州惟飲

薊州一杯水耳瑾愕然大失所望乃得釋氛宰許公重之

特加憐恤遷杭州府同知再轉兩浙運司同知清節愈勵

擢知登州府屬吏有貪墨者不論其高第而罷黜之未及

二載飄然棄官歸林居二十年生計蕭條甘守淡泊蓋其



雅操得于天性也年八十餘而終  
 虞臣字元凱祥孫成化戊戌進士初任車駕司主事以疾  
 告歸改武庫復調車駕陞四川叅議在郎署幾二十年清  
 慎自持居蜀二年卽抗章致仕撫按而高其志節各贈  
 贖費悉謝卻之歸橐蕭然生事落落纖毫不以介意日惟  
 文酒自娛所著有丙辰奏草竹西亭稿述古錄回文効體

詩

管琪字儒珍器宇寬厚律身清謹由進士授中書舍人歷  
 陞湖廣左布政使羨餘利一無所取會入覲不事干謁

頗不悅有勸其少通關節者琪以夤緣求用為耻作書  
 之竟以年老致仕其持正易退如此

俾字用檢俗第器量弘遠才識過人由進士累官南京

部侍郎倬初知餘干累決疑獄久訟者咸得其情尤善

其贛州賊起上官檄倬往捕賊恃山險倬乃夜驅羊數

群攻之俘馘甚衆為廣東按察副使以土漢兵降崖州

為廣西右布政使征徭賊悉平其黨與為四川左布政

抵任而流賊適至倬洞開四門以待之賊不敢近叅將

乾為賊射死詔鎮巡討之倬相度機宜設伏掩捕盡



其輜重人畜以是兩受白金文綺之賜家居別置田千  
與族人共給官役親戚故舊有患難及匱乏者必委曲  
恤之尤人情所難子忤今隸太倉州

祇字良用家世業儒杖耆志力學以進士知蕭山縣撫  
小民振作士類開浚湘湖強梁屏迹擢南京監察御史  
舉敢言嘗論劾文選郎中真欽招權納賄之罪又因災  
上言天變不虛實與人事相關言甚切直秩滿便道省  
卒於家孫隆禧

汪字時雨知縣能子至性孝友持身耿介父好客客常

滿座汪竭力營辦務以悅親人不知其貧也由貢士歷官  
春潮陽二學訓導謝政歸潮人立祠奉之孫寬

盛洪字思禹性穎敏尤極嚴重自幼家居雖盛暑未嘗裸  
跣登進士歷官刑部三被簡命出按大獄皆貴戚貂璫

眾所難行者乃以屬洪洪秉公守正而寘之於法不苛不  
撓由是受知當字制詞有聽斷惟精操修罔玷之語

其用心尤極平恕每語人曰刑官當於死中求生不當於  
生中求死時廣東黃散仔等倡亂朝議會惟方正廉能官  
往飭兵備洪越次陞用提督海道實出上裁既抵任禁



絕通番買港之徒嚴革市舶中官私番私貨之弊衆欲奪其所守乃多方設計誘之或因置酒羅列珍玩惟其所欲或托僚友暮夜以黃金百斤致饋者洪皆堅拒禁戒益嚴且上章極論其事遂致構造飛語騰謗中朝適瑾欲中傷之無隙可入乃以添設例裁革歸家食二年又以海道舊事檄召赴廣卒於道不越月卽有山東按察使之擢聞者悲之洪之曾祖願國初時任江西左布政使更二考哀無羅綺家無餘貲洪承之歷仕中外二十餘年所居蕭然不異儒素可謂清白相傳無忝厥祖者矣

王秩字循伯性疏爽明達綽有幹局由進士授永康知縣縣有富民業其腴田而移稅於貧者累年不決秩躬行賈陌按實徵輸民咸頌德歷官南京刑部據法不撓轉廣東僉事廣西蠻寇猖獗當道多其才檄往勦之懷戢海南黎人不為民害尋陞江西兵備副使劇賊張士錦竊據名號生擒以歸來降者奏授之官其黨悉平遷本省按察使時賊寨連路副使周憲於華林洞失利陷賊而死秩親督兵討之竟斬害憲者且擣其巢擢雲南布政使疏乞歸養卒秩慎於守身篤於孝友孫執禮執法

黃雲字應龍由歲貢任瑞州府學訓導性度踈豁議論慷慨不能作依違軟美之態家貧好學博極群書熟於典故文宗坡老書法山谷皆為時所重所著有丹叢文集十卷行于世

張安甫字汝勉和姪性曠達由進士授祁州知州凡四載時稱循吏內艱服闋即乞退休銓部高其恬退特加獎勞進四川叅議職銜服色致仕自是蕭然物外不切勢利弗以縈心惟以禮法教訓子孫勉勵後進年八十四而卒子

環

澄字憲清弘治癸丑舉進士第一人除翰林修撰進諭充東宮講讀官預修通鑑纂要歷陞禮部尚書持守禮不曲徇人 康陵崩奉

太后肯借諸大臣迎扈

宗皇帝入繼大統此至興邸有議行五拜三叩頭禮入者澄曰今遽如此後當何以加之且將來勸進辭讓之行乎廢乎 上聞而是之既 登極 勅廢子一人世衣指揮同知四辭不允澄終不受未幾大禮議興澄主議請以益王子崇仁王子後



皇帝又議所生不得稱父母 上不從屢有旨令再議  
恪守前說不變會霍文敏公再移書謂澄所主濮議非  
遂請致仕加太子太傅令屬吏護行至興濟病卒諡文  
澄方正端毅有濟務才狀貌抑抑謙恭至是非義利確  
不可拔也所為詩文並不存稿子希原今隸太倉州  
仕字成德沉靜端謹甫冠而孤能奮志力學遂領鄉薦  
生道義存心耻於言利嘗倡諸兄買田贍族立義塾以  
族之子弟又建綏成祠以祀始遷之祖與族之無嗣者  
為吳氏館甥不效世俗中分其產人皆義之授養利州

播召為監察御史首薦革職都御史雍泰正直宜從起用  
忤逆瑾意罰米三百石赴大同上納瑾怒未已又假偽例  
勒令致仕家居六年瑾敗復除御史進大理丞歷陞兩京  
刑部尚書卒謚康僖倫言溫氣和而遇事剛果詩詞清健  
行草逼真晉人有貞翁淨稿十二卷子鳳鳴

顧鼎臣字九和數歲能屬文弘治乙丑舉進士第一人授  
翰林修撰轉侍讀

世宗登極特命充 經筵官音吐宣暢敷陳啓沃節奏纒  
纒 上每傾聽一日進講范浚心箴 上諭內閣云朕聰



顧鼎臣解說心箴連日思味其意甚為正心之益因命從容講解洪範終篇以為朕為學求治之助暫免朝參止入講殿又諭撰述中庸首章講義自是屢被特恩眷顧優異癸巳三月 上再幸太學與臣上言孔子之道唯曾參獨得其宗而二千年来未有能表章之者伏乞詳訪曾氏子孫與孔顏孟三氏一體錄用 上是之於是求得曾氏子孫名質粹者授博士以主祀事累官太子太保禮部尚書武英殿大學士己亥二月

車駕南巡特

勅畱守

京師振舉紀綱雖貴近不相

借輦轂之下肅然內外軍國機務奏聞行在朝廷倚以為安亾何卒于位贈太保謚文康與臣姿貌奇偉風神峻拔自幼即有大志每以東南財賦重地積蠹甚多究極利弊條陳四事三舉奏焉若牽耗丁田築城等事皆出贊襄居家篤於孝友念父年老恐不待養每夜焚香祝天願減已歲以益之父果登耄耋待宗族皆有恩義贍其貧者與人交洞見肺腑不遺故舊自公之暇觴奕詠歌寄興清遠澹然無所係累也所著文集凡若干卷子履方德性謙厚度量汪洋邑中不知有相府云領鄉薦未仕卒



魏校字子才生而穎敏讀書一日四行下舉進士任南京刑部主事歷郎中改兵部職方司曾時事有可憂者移疾家居講明正學擢廣東提學副使嶺南俗尚巫鬼校思變其俗至則稍廢其祠又達磨所傳衣鉢歷代所寶藏者校悉取而毀焚之扶正嫉邪頗過於嚴於是有謀中傷之者適丁外艱歸服闋再補河南督學境內有伏羲畫卦臺久為豎牧之所亟命有司鼎新而表識之其施教一如東廣甫三月進大理少卿轉國子祭酒以祭酒兼經筵講官事講官將進講先期呈講章於內閣校獨不然時宰

遽改太常寺卿時天地分祀之議興因撰郊祀論大畧謂上帝至尊無可並者以社配郊則可以北郊對南郊則不可議與時違卽致政而歸以倡明道學為已任天下賢士大夫翕然宗之質疑辨難者雲集於門下其學始焉求之天文地紀之大人倫物理之微後乃反說於約會而通之而尤以涵養仁心為本中年以後德學純如也海內稱為莊渠先生所著有體仁說大學指歸六書精蘊遺書師說語錄等行於世卒贈禮部侍郎謚恭簡有司立祠祭之周廣字充之少孤貧苦志力學登進士第歷知莆田吉水



咸有實惠於民召為御史甫兩月即抗疏四事切諫  
武宗皇帝一斥番僧二遠伶人三重國本以廣儲嗣假子  
錢寧撓亂國法輕蔑王章其僭擬東宮之罪濯髮難數四  
嚴軍令以期滅賊毋使巨寇奔突白骨遍野又曰堯舜人  
君之至也

陛下欲法堯舜先法

孝宗法孝宗即堯舜矣寧大怒幸直上不深罪止謫廣東  
懷遠驛承寧使人遞道刺之廣變易姓名被道人服誦觀  
音經枵腹者三日得脫歸抵驛時郭武定侯鎮嶺南重

風節以金廣廣拒不受郭銜之攝廣閉府門箠擊幾死  
久之量建昌縣假道歸崑寧懷舊恨復伺得之再謫  
竹寨驛承兩地俱無館舍廣誅茅為屋日與諸生講學不  
廢

世宗皇帝登極首舉遐逸 詔復御史尋陞江西按察僉

事提學副使歷官南京刑部侍郎卒廣英邁疑峻毅然以

忠節自負播遷荒徼者十年而位不消德君子惜之有玉

巖集九卷子士淹士洵

方鵬字時舉自幼岐嶷能記憶前生事人甚異之由進士



任南京禮部主事累遷山西提學副使改春坊庶子兼翰林修撰嘉靖戊子主考順天鄉試轉南京太常寺卿以疾告歸屢薦不起高臥南濱者十餘年足跡不入城府自重之操人所難及所為詩文典雅不尚雕琢有矯亭集責備餘談續觀感錄崑山志弟鳳

方鳳字時鳴與鷓同科進士性高爽負氣不肯詭隨於時初授行人改御史亟薦鴻臚卿王守仁忠節才猷可濟紛亂托病投閑似非所宜即當越次起用又江西副使胡世寧以觸怒宸濠被逮申救甚力後皆符其言人服其明曉

武廟頗事遊幸鳳累疏諫止言極切直繼因巡按直隸處職當迎駕懇奏不能從明詔者七事上皆優獎之

尋陞廣東僉事致仕詩亦豪俊不拘古調人稱二方云子築範

周鳳鳴字于岐賦性方嚴才猷綽達初授刑部主事精究法律各司奏牘必經參酌然後允當遷郎中往勘宸濠逆黨審覈詳慎無枉縱者尚書李公承勛知之特深旣而李公本兵遂薦鳳鳴調職方凡籌邊擇將關係軍國大事皆手自記注人莫敢干以私又嘗繪九邊圖以獻欲上知

邊隅要害李公每語人曰職方得周正郎吾可坐哺矣吏部推其政績擢大理寺左寺丞應制議處兵食水利皆鑿鑿可期實效時有宰臣當柄鳳鳴持正不屈會有馮御史者論劾諸大臣得失下詔獄宰臣欲傳致之死而鳳鳴所擬條例不合遂罷歸家居一十八年薦保六十餘疏第絕交當道乃不復徵召而卒所為詩文莊重典則有後樂堂集西臺弼教錄職方奏議共若干卷

張羽字子儀少孤家甚貧立志向學書聲每每輒夜母王夫人篝燈照績以助之勤苦萬狀旋登甲第授工部主事以議不遷江戎留官南京刑部郎中性度坦率詩詞雅健手包遺頂之疾每客至必舉杯朗吟意氣豁如也

張寰字三涿州轉刑部員外郎予告養親後以通文以坦夷儀度蕭灑平生未嘗談人之過間有指摘隱微者輒俛默若不聞然尤好吟咏嘗遍遊諸名山會意處詞俾灑奇興恒自方古之陶峴

王同祖字繩武自幼敏慧英發弱冠登第為翰林庶吉士改編修閱居十餘年復用薦為春坊校書國子司業嘗上



疏請教世胄又請以薛瑄從祀孔子廟廷嘉靖庚子

九廟災上言建廟宜於北壁鑿石為垣納主其中以應古禮不報忽未疾歸不久而卒詩文雄麗清美筆翰有法重為時所珍重所著有五龍山人集東吳水利書天元六符圖經東吳事宜藏于家孫炳衡炳燾

顧夢圭字武祥潛子幼英敏不群年十七舉鄉試繼登進士授南京吏部主事極論中官鎮守之害得旨報罷眾

甚憚之擢廣東右叅議值朝廷下採珠令士疏力陳其

不便不報尋遷河南提學副使以變文體端士習為先終

江西布政使詩文雋麗古雅綽有晉魏風格所著北海齋梁武平還山諸稿

朱觀字顥伯由進士授吉安府推官強毅明敏郡有殺人而匿其主名者獄久不決觀乃禱于城隍神而宿于廟夢一人體無完膚者臥于前因詰之曰周身刑憲其周憲乎

遂驚而覺遲明訊獄殺人者果周憲也蓋憲與其妻通故相與殺其夫耳上官奇之類此者凡八事遂得旌異擢監

察御史疏放鷹犬疏清光祿積弊又以言事忤旨廷

杖二十既而巡按陝西風裁凜然貪墨吏解印綬去者凡

若干人 奏築花馬池至橫城堡邊牆一百六十餘里大有功於西陲陝中仕宦者至今稱之歷官河南布政使周復俊字子顓明敏篤信有操執由進士歷工部郎中進四川提學副使校士一以至公謝絕請托縉紳不樂頗與謗議居雲南左布政使回翔遠地不獲遷轉三載考績僅得四不太僕寺卿改歸深居寡出日惟以讀書著述為事更不問生產作美士論高之

周士淹字孺亭廣一而嗜一酒舉人賦質純粹温厚博通群籍記憶有出之者應答如響師事魏莊渠先生相

與考訂究極玄理視世務紛紜泊如也事母能以色養老若嬰兒然對妻子如賓客與人交言必由衷貌無虛飾古有焉實君子士淹真無愧云

歸有光字熙甫一字開甫鳳之曾孫沉潛簡默與俗寡合日惟閉門啜茗取群經子史讀之及長益該博貫穿上自典墳騷選由歷代以至國朝諸大家文次第披閱無不了悟尤酷好太史公書不忍釋手其為文不事雕琢而議論奇特氣雄辭健遠近宗之所著復古堂稿大雅堂集三吳水利錄史記錄文震川經義行于世又有兩漢詁今及遺



文千餘篇減于家嘉靖乙未以選貢第一名入太學庚子鄉薦第二名晚始登進士第為長興令稍遷順德府判隆慶改元以太僕丞召入館閣修纂卒于官  
龔起鳳字瑞周震之孫幼鞠於母家故冒周姓隸名州庠性介潔非分之物一毫不取尤不徇人以非法之事戊午貢授定州學正遷大理寺司務與堂卿以禮法相持外取州府學教授旋知杞縣裁省諸費清儉簡約竟以不上官踰年而歸貧不能給授徒以資俯仰卒之後無子然同年張振之侍御釀金置田四十畝以

賙其匱存歿賴之

鄔景和字時濟先世以間右徙實京師迨生景和器度凝重能詩善書年十六選尚 永福長公主 公主

世宗肅皇帝姊也拜駙馬都尉侍衛 禁庭命掌宗人府

事管脩 玉牒 特賜肩輿奉 召入直再賜乘馬行禁

中寵賚優厚後言事忤 旨放還田里時從兄克忠致政

家居相與優游泉石士林榮之旋宥畱守墳塋隆慶改元復職任用疏陳安民足國禦虜平倭四事頗見采納及卒贈少保謚榮簡賜祭葬如例大學士淮南李公銘其墓稱

